

Mensahe 2

Si Cristo isip Mananambal ug Pamanhonon

Basahong Kasulatan: Mat. 9:10-13, 15; Bug. 19:7-9

I. Gipadayag sa Ebanghelyo ni Mateo nga batok si Cristo sa relihiyon ug naa sa gawas sa relihiyon ang mga butang kalabot ni Cristo:

- A. Naa gyod sa gawas sa relihiyon ang pagkahimugso ni Cristo, ang pagpangita, pagpailaila, ug pagsunod Kaniya—1:18-23; 2:1-12; 3:1-12; 4:12-22.
- B. Bisan unsang hunahuna nga magmilagro diha sa relihiyon pagtintal man sa yawa—vv. 5-7.
- C. Isip Mananambal ug Pamanhonon, batok si Cristo sa relihiyon—9:12, 15.
- D. Wala magtagad si Ginoong Jesus sa relihiyosong tradisyon; nagtagad Siya sa realidad sa sulod—15:1-20.

II. Gipakita sa Mateo 9:10-13 nga masinati ug mapahimuslan nato si Cristo isip Mananambal:

- A. Sa pagtawag Niya sa mga tawo aron mosunod Niya alang sa gingharian, nangelagad si Ginoong Jesus ingog Mananambal, dili ingog Maghuhukom.
- B. Subay sa pagkamatarong ang paghukom sa maghuhukom, samtang subay sa kaluoy ug grasya ang pag-ayo sa mananambal.
- C. Nianhi si Cristo aron mangalagad ingog Mananambal, aron moayo, mopahiuli, mopabuhi, ug moluwas nato, aron maumol ta pag-usab ug mahimong bag-o ug langitnong mga lungsoranon Niya, nga kaestablisaran Niya sa Iyang langitnong gingharian ning yutang nadaot.
- D. “Apan lakaw ug tun-i kon unsay buot ipasabot niini, ‘Gitinguha Ko ang kaluoy ug dili ang halad-inihaw’”—v. 13:
 - 1. Giayo ni Ginoong Jesus ang espirituhanong sakit nato, ang sakit sa sala.
 - 2. Tali sa sala ug kamatayon naa ang tanang matang sa sakit ug balatian.
 - 3. Gipasaylo ni Ginoong Jesus ang atong mga sala ug giayo sab ta sa tanang bahin.
 - 4. Isip mga makasasala, masakiton gyod ta kay masakiton man ta sa lawas, espiritu, moralidad, ug hunahuna, apan makaayo si Jesus nga Tigpasaylo ug Mananambal sa tanan natong balatian.
 - 5. Isip Mananambal nato, labi gyod tang giayo sa Ginoo sa atong espiritu ug kalag, dili lang gyod sa atong lawas.
 - 6. Bisan ayohon tingali ta sa Ginoo sa atong lawas o dili ba, kanunay Siyang andam nga moayo nato sa tanang bahin sa atong espiritu ug kalag.
 - 7. Ang pag-ayo sa Ginoo isip Mananambal nato dili lang gyod sa lawas kondili sa espiritu; Siya ang moayo sa espirituhanong mga balatian nato.
- E. Ang kasinatian ni Pablo sa ulahing pagpangalagad niya makatabang nato nga hustong makadayeg ni Cristo ingog Mananambal sa mga magtutuo:
 - 1. Niingon si Pablo sa 2 Timoteo 4:20b, “Gibiyaan nako si Trofimo nga masakiton sa Mileto.”
 - 2. Gibiyaan ni apostol Pablo nga nagmasakiton ang tawong suod kaayo niya, ug wala moampo aron maayo kini.
 - 3. Wala sab gamita ni Pablo ang iyang gasa sa pag-ayo sa sakit (Buh. 19:11-12) aron maulian si Timoteo sa iyang sakit sa kutokuto; gitudloan hinuon siya ni Pablo nga mogamit sa natural nga paagi sa pag-ayo niini (1 Tim. 5:23).

4. Gidasig hinuon ni Pablo si Timoteo nga moinom og diyotayng bino, ug gibilin niya si Trofimo sa Mileto.
 5. Tawhanon kaayong giatiman ni Pablo ang iyang mga masigka-magbubuhat.
 6. Ang hinungdan nga giatiman sila ni Pablo sa ingon niini mao nga, sa panahon sa pag-antos, naa si Pablo ug ang mga masigka-magbubuhat niya sa pagdisiplina sa kinabuhi sa sulod imbis nga maanaa sa gahom sa dayag nga gasa.
 7. Ang una iya sa grasya sa kinabuhi; ang ulahi iya sa gasa sa gahom—sa milagrosong gahom.
 8. Makatabang unta nato ang kasinatian ni Pablo aron makakita nga, kalab-anang alang sa espiritu ug sa kalag ang pag-ayo ni Cristo karon.
 9. Kon makakita ta ning panan-awona, mosalig gyod ta ni Cristo ug mosinati Niya nga Mananambal nato.
- F. Isip Mananambal nato, dunay pagbulot-an sa pag-ayo si Cristo:
1. Dili lang may kalabotan sa gahom ang pag-ayo Niya kondili sa pagbulot-an sab.
 2. Dili na ta Niya hikapon pa aron ma-ayo ta.
 3. Mamulong ra Siya, ug mouban ang Iyang pagbulot-an sa pulong Niya nga moayo nato—Mat. 8:8.
 4. Ayohon ta sa atong Mananambal pinaagi sa pagbulot-an Niya.

III. Gipadayag si Cristo isip Pamanhonon sa Mateo ug Bugna—Mat. 9:15; Bug. 19:7-9:

- A. Dugang pa nga pulong ang Mateo 25:1 bahin ni Ginoong Jesus isip Pamanhonon:
1. Nagtimaan kining versiculoha nga mobalik ang Ginoo isip Pamanhonon, ingog labing makalipay ug makadani nga tawo.
 2. Gipadayag sa Biblia nga si Cristo ang Dios nga gipakalawas aron mabatonan ang pangasaw-onon.
 3. Busa, Pamanhonon ang pagkabutang ni Cristo.
 4. Isip Pamanhonon, Siya ang makalipay nga tawo nga mapahimuslan nato.
 5. Magdayeg gyod ta ni Cristo dili lang isip Mananambal nato alang sa pag-pahiuli sa kinabuhi kondili isip Pamanhonon sab nato alang sa buhing pag-pahimulos sa Iyang presensya.
- B. Gipadayag sa Bugna 19:7-9 si Cristo isip Pamanhonon:
1. Gipadayag ning mga versiculoha nga si Ginoong Jesus mao ang Cordero isip Pamanhonon.
 2. Gipakita si Cristo isip Cordero ug isip Pamanhonon.
 3. Sa Ebanghelyo ni Juan, gipadayag si Cristo isip Cordero nga nianhi aron magkuha sa sala ug isip Pamanhonon nga nianhi aron mabatonan Niya ang pangasaw-onon.
 4. Alang sa pagtubos ang Cordero, ug alang sa kasal ang Pamanhonon.
 5. Natuman ang pagtubos pinaagi ni Cristo isip Cordero sa Dios, ug mahitabo ang kasal kon mabatonan ni Cristo isip umalabot nga Pamanhonon ang Iyang pangasaw-onon.
 6. Isip Pamanhonon, kaslon gyod si Cristo; ang posisyon nato mao ang pangasaw-onon, ug ang posisyon sa umalabot nga Cristo mao ang Pamanhonon.
 7. Nia ta sa yuta ug giandam nga mahimong pangasaw-onon aron mosugat Niya, ug tua Siya sa trono sa ikatulong langit ug andam na nga moanhi isip Pamanhonon aron mosugat nato.
 8. Moanhi siya isip Pamanhonon, ug moadto ta isip pangasaw-onon—Mat. 25:1.